



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VI. Sollicitudo extraordinaria Iuliano demandata, non autem jurisdictione. Cui legationi necessarius fuit Marciani Imp. consensus. Probatur è Leone.

urn:nbn:de:hbz:466:1-15617

De Concordia Sacerdotij

effectus, iudicato à Principe universalis Concilio, quod Mediolani in palatio praefente Imperatore habitum anno C C L V. luctuissima clade Ecclesiam vastavit, plerisque Occidentalium Episcoporum, qui trecenti & amplius aderant, ad damnationem Athanasij per vim coactis. In Legatos Romanos illisque adjunctum Eusebium Vercellensem, qui subscribere recusarunt, exilium decreatum est edicto Principis, quo relegatis sunt in Orientem.

III. Tandem post obitum Constantij, Athanasius ab exilio redux, turbatas Orientales Ecclesias componere moliens anno trecentesimo sexagesimo secundo, usus est opera Eusebij Vercellensis & Luciferi Calaranti, qui Exlegatorum dignitate ornati, factis suis quanta esset apostolicae sedis auctoritas in Oriente docuerunt. Etenim Lucifer ex consilio Eusebii collega sui Antiochiam se contulit, ut statum illius Ecclesia schismate laborantis ordinaret. Pars enim Paulino Presbytero adhaerebat; pars vero altera Meletij Episcopi, quamvis exilis, communione sequebatur. Itaque Lucifer Antiochenis Paulinum Episcopum ordinavit. Quod in aliena Dioecesi agere non potuisset, nisi priuina legationis auctoritate, quam ratione muneric sui redditia depositissime nondum omnino videbatur. Certum quidem est id à Lucifero minus prudenter actum, quod schisma potius in illa Ecclesia propagavit quam extinxit, Meletio ab exilio statim reverso plerosque fidelium ad communionem suam trahente. Sed Aegyptij & Occidentales Paulino tantum communicabant.

IV. Eusebius quoque Vercellensis antiqua Legati auctoritate usus est in synodo Alexandrina; quam una cum Athanasio coegerit, ut observavit Socrates. Ceterum ad illius auctoritatis consortium adscitus non fuisset ab Alexandrino Patriarcha, nisi praeter episcopatus Vercellensis dignitatem, adjunctam habuisset Exlegati auctoritatem. Plena enim & integra legatione non utebatur, cum secundum tantum in synodo locum obtineret, ut patet ex epistola synodalium.

V. Nolo lectoris otio abuti in congerendis legationibus quas diversis temporibus ad Imperatores Romanos antiqui Pontifices destinarunt; quae frequenter ocurrunt inter legendum. Earum tantum mentionem faciam quae longiores moras in comitatu traxerunt, quaeque non alicui negotio specialiter adstrictae, ad quascunque caussarum emergentium figuram porrigebantur, id est, quae non extraordinaria potestate, sed ordinaria potius & assida follicitudine niterentur. Harum legationum initium deduci

poteat è mandatis quae vigilantissimus Pontifex Leo I. dedit olim Iuliano Coenensi Episcopo, post celebratum Chalcedonense Concilium. Etenim statim à soluta synodo, haereticis per insidias vera fidei officere moliebantur, connivente Anatolio Constantinopolitano. Quare Iuliano Episcopo Coenensis Ecclesiae, quae in Cycladibus insulis sita erat, hanc specialiter curam Leo commendavit, ut proficeret soliter ne haeresis Nestoriana vel Eutychiana convaleficeret, que sugerenda Principibus forent, vice Pontificis insinuaret; de rebus ambiguis Pontificem consulteret, eumque de statu Ecclesiarum Orientis creberrimis relationibus admoneret. Studeat ergo dilectione tua piam & necessariam curam, sollicitudini apostolice sedis impendere, que tibi apud se nutrita catholicam contra Nestorianos & Eutychianos hereticos actionem materno jure commendat; ut divino fultus auxilio, speculare de Constantinopolitane urbis opportunitate non definas, ut predictorum dogmatum impius nunquam turbo confuscat. Et quia tanta est gloriosum Principum clementia ut confidenter eis possit que sunt insinuanda saggerere, pietate inform ad utilitatem Ecclesie universalis utaris. Sed observandum est, eo temperamento adhibito delegaram Iuliano fuisse vicem apostolice sedis, ut nullam causam cognitionem suscipieret, qua reliqua est Episcopis provinciarum. Hic est enim sensus horum Leonis verborum: *Consulente autem dilectione tua de his in quibus putaveris ambigendum, non decriat relationibus tuis mee responsionis instruacio; ut sequestrata corum actione causa, (fortasse legendum, sequestrata actione caussarum) que in quibuscumque Ecclesiis Prelatum suorum debent cognitione firmari, hac speciali cura vice mea functuu utaris, ne haeresis Nestoriana vel Eutychiana in aliqua parte revirescat: quia in Episcopo Constantinopolitano catholicus vigor non est.*

V. Itaque extraordinaria quadam sollicitudo, specialis cura, & actio catholica adversus haereses erga Principes Iuliano demandata est; non autem jurisdictio aliqua, vel causae cognitionis seu actio judicialis. Cum autem & mora trahenda illi esset in comitatu, & sermones conferendi cum Principe, necesse quoque erat ut Principis consensus accederet. Quare Marciannum Augustum eadem re literis suis Leo certiore fecit. *Nam, inquit, & de fidei ejus (Iuliani) sinceritate confidens, vicem ipsi meam contra temporis nostri haereticos delegavi, atque propter Ecclesiarum pacisque custodiā, ut à comitatu vestro non absit exegi; cuius suggestiones pro concordia catholicis unitatis, tanquam meas audire dignemini, placentes Deo, qui vobis preter regiam coronam, etiam sacerdotalem conferat palmam.* Hujus

Socrat. lib. 3. c. 4.
Theodor. lib. 3.
c. 4.

Vicarij munus , Leonisque erga Augustos obsequium , elegantius explicitant ista ad Pulcheriam verba : *Cum in causa fidei , cui gloria vestra famulatur , vicem ipsi meam etenus delegarim , ut ab ea que vobis debetur obseruantia non recedens , pietati me vestre presentare non definat , exequens in custodia fidei & in ecclesiasticis disciplinis per omnia sollicitudinem , & opportunis suggestionibus quod universali Ecclesie propositi inservians , ut in ipso nec catholicis vestrum presidium , quibus volamus subvenire , nec vobis meum desit obsequium.*

A D D I T I O

STEPHANI BALUZII.

ILLUSTRISSIMI Archiepiscopi observationem mirè confirmat idem Leo in epistola ad Marcianum Augustum , qua nuper ad Holstenio edita est inter Acta synodi Romana sub Bonifacio II. habita : *Suggestiones autem , inquit , fratribus & Coepiscopi mei Iuliani , quem pietati vestre commendo , queso ut benignius , sicut facitis , audiatis . Hoc etiam fratris meo Anatolio proderit , si cum quem pro catholico dogmate illic esse volui , dignanter habeatis.*

C A P V T X V I .

Synopsis.

I. Legatio hec sequentibus seculis occasionem dedit mittendorum Responsalium ad urbem Constantinopolitam . Eorum officium apud Principem .

II. Dicit etiam Apocrisiarij . Vi recriptorum genus duplex apud veteres , ita & responsorum . Quippe omnia Principum mandata , responsa dicti placuit .

III. Probatur è Justiniano , Procopio , Zozimo , & Anastasio Imperatore . Julianus Antecessor notatus .

IV. Qui causa Ecclesiarum agebant . Apocrisiarij dicebantur , ex Justiniano . Sedibus tantum patriarchalibus licebat Apocrisiarios mittere ad comitatum . Oeconomi ab Apocrisiariis distincti . Apocrisiarij fungebantur legatione Patriarche . Anatolius , Diaconi Alexandrinii Apocrisiarius . Ea dignitas translata ad ministros palatinos , aeo Constantini Porphyrogenette .

V. Responsales quoque suos Romanii Pontifices destinabant ad urbem regiam , qui Ecclesia universe commercis invigilabant . Hincmarus notatur , qui Apocrisiarij & Responsalium originem arcessit à temporibus Constantini Magni . Pelagius Agapeti Papa Apocrisiarius apud Justinianum : qui post omnes Episcopos subscriptis in Concilio C P . sub Mena . Liberatus explicatus , qui primas partes Pelagio tribuit præ ceteris Patriarchis .

VI. Gregorius Magnus Responsalem Ecclesia Romana egit in urbe regia . Iuberit subdandum implorare adversus Longobardos .

I. VERBA Leonis ideo retuli , quod ex hac delegatione occasio profecta sit sequentibus seculis mittendorum ad Tom. II.

urbem Constantinopolitanam Responsum apostolicæ sedis ; præcipue post Iustiniani tempora , qui felicibus armis triumpho de Gotthis acto , Italianam Imperio consolidavit . Tunc enim assidui erant in comitatu Diaconi responsales ; qui & causas proprias Ecclesie Romanæ apud Principem prosquebantur , & pro negotiis fidei & disciplinæ excubabant ; similique veluti fidei publicæ obesides in comitatu degebant , obsequij Principibus debiti fideiunctionem præstantes .

II. Legati hujus generis , Apocrisiarij & Responsales dieti sunt ab illius seculi scriptoribus , quod responsa seu mandata eorum exsequerentur à quibus missi erant . Ut enim rescripta Principum dicuntur non solum ea quæ Principes libellis supplicibus rescribunt , unde ejus nominis origo , sed etiam omnia Principum iusta ; ita quoque responsa dicta sunt , non solum quæ ad relationes rescribantur , sed etiam omnis generis mandata : quæ ex eadem origine à Græcis στοιχείοις dicuntur .

III. Cujus significationis illuftrior exhiberi non potest interpres quam Iustinianus , qui Principis iusta , sive βασιλικές στοιχεία , à decessoribus suis responsa dicta fuisse docet : ἀπὸ στοιχείων στοιχείοις τῷ τόπῳ ένταξις . Novella 25 .

λαβεται τη γενοθέτη . Vnde Procopius munus verediariorum delcribens , eos esse ait

Procop. lib. 1. de bello Vandal.

qui ad regia responda deferenda mittuntur , εἰς τὰς βασιλικὰς στοιχείας . Et illo antiquior Zozimus , loquens de quadam Erote qui in palatio adsidebat , τῷ δὲ ξένῳ στοιχεῖον μηνύτως τεταγμένο . Quare miles ille qui destinabatur à Magistro militum ut jūdicum militarium iussiones impleri curaret , ad responsum dicitur ab Anastasio Imperatore , & à Iustiniano , id est , ad iussiones & responda exequenda . Quanquam Julianus Antecessor effectum respiciens potius quam caussam , responsum interpretetur ministerium , loquens de hoc milite : *Responsum , id est , ministerium , ei exhibeat .*

IV. Hinc factum ut qui causas Ecclesiarum agebant , Apocrisiarij dicerentur , apud Iustinianum , qui vetat Episcopos ne ad comitatum accedant . Propterea sanctimus , si quando propter ecclesiasticam occasionem inciderit necessitas , hanc aut per eos qui res agant sanctissimarum Ecclesiarum , quos Apocrisiarios vocant , aut per aliquos Clericos huc destinatos , aut per suos economos , notam Imperio facere , aut nostris administratoribus , ut imperent quod competens est . Quod ita intelligendum est , ut non singulis Ecclesias sui effent Apocrisiarij , sed tantum singulis fedibus patriarchalibus , qui suæ Dioeceseos negotiis in comitatu imminarent . Quare Iustinianus recte Clericos aut

F ij

Zozim. lib. 1.
L. ult. C. de remis.
l. 1. xii.
Nov. 24. c. 4.